

Na osnovu člana 17. stav (5) Pravilnika o praktičnoj nastavi („Službene novine Tuzlanskog kantona“, broj: 4/24, 13/24 i 17/24) i tačke I Programa obuke za mentore praktične nastave kod poslovnih subjekata („Službene novine Tuzlanskog kantona“ broj: 11/24 i 17/24) Pedagoški zavod Tuzlanskog kantona raspisuje

JAVNI POZIV

za učešće u Programu za obuku mentora praktične nastave kod poslovnih subjekata na području Tuzlanskog kantona

Cilj programa:

Program za obuku mentora praktične nastave kod poslovnih subjekata (u daljem tekstu: Program) ima za cilj osigurati sticanje osnovnih znanja o radu sa učenicima za mentore kod poslovnih subjekata kojima će ojačati kapacitete poslovnih subjekata za kvalitetno izvođenje praktične nastave u skladu sa odgovarajućim NPP-om i Programom izvođenja praktične nastave.

Struktura obuke:

Program je osmišljen tako da razvija osnovne kompetencije za rad sa mentorima. Program obuhvata obradu četiri tematske cjeline:

- Zakonsko regulisanje organizacije praktične nastave
- Pedagoške osnove obrazovanja i odgoja učenika
- Sistem organizacije praktične nastave sa akcentom na ulogu relevantnih aktera
- Praćenje, vrednovanje, vođenje dokumentacije i ocjenjivanje učenika

Ukupno trajanje Programa je 40 sati.

Po završetku Programa i zadovoljavanja svih kriterija polaznicima će biti izdato uvjerenje o završenom programu obuke za mentore kod poslovnog subjekta.

Ciljna grupa:

Obuka je namijenjena i obavezna za zaposlenika poslovnog subjekta ili lice koje samostalno obavlja djelatnost, koji je odgovoran za organizaciju, vođenje i praćenje praktične nastave koja se izvodi kod poslovnog subjekta.

Potrebni uslovi:

Za učešće u Programu zainteresovani kandidati moraju ispunjavati uslove propisane Pravilnikom o praktičnoj nastavi („Službene novine Tuzlanskog kantona“, broj: 4/24, 13/24 i 17/24, u daljem tekstu: Pravilnik) i to:

a) da je u radnom odnosu kod poslovnog subjekta ili samostalno obavlja djelatnost, odnosno obrtnik ili njegov zaposlenik, **što dokazuje potvrdom potpisanom i ovjerenom od strane poslodavca, odnosno za lice koje samostalno obavlja djelatnost rješenjem o registraciji.**

b) da ima minimalno III ili IV stepen obrazovanja i radno iskustvo u struci u profilu za koji se učenici obrazuju u trajanju od najmanje pet godina ili minimalno V stepen obrazovanja i radno iskustvo u struci u profilu za koji se učenici obrazuju u trajanju od najmanje tri godine, **što dokazuje dostavljanjem ovjerene kopije diplome i potvrdom o radnom stažu/iskustvu potpisanom i ovjerenom kod poslodavca, odnosno za lice koje samostalno obavlja djelatnost potvrda/uvjerenje ovlaštenog organa.**

c) da nije pravosnažnom presudom osuđivan na kaznu zatvora za krivično djelo protiv ustavnog poretka, protiv čovječnosti i međunarodnog prava, protiv života i tijela, protiv spolne slobode i morala, protiv braka i porodice, protiv zdravlja ljudi, protiv javnog reda i pravnog prometa, podmićivanja ili krivično djelo protiv službene ili druge odgovorne funkcije osim ako je nastupila rehabilitacija po posebnom zakonu, **što dokazuje izjavom potpisanom i ovjerenom kod nadležnog organa – izjava ovjerena u općini ili notara.**

Dokaze pod tačkom a) i b) kandidat je obavezan dostaviti uz prijavu na učešće u Programu, dok je dokaz pod tačkom c) obavezan dostaviti najkasnije do početka realizacije Programa, u suprotnom gubi pravo na učešće u Programu.

Realizator Programa:

Program provodi Pedagoški zavod Tuzlanskog kantona u saradnji sa Kantonalnom privrednom komorom Tuzla. Program će realizovati osobe sa stečenim zvanjem master mentor, u skladu sa odredbama Pravilnika.

Prijava na javni poziv:

Javni poziv će biti objavljen na web stranici Pedagoškog zavoda Tuzlanskog kantona www.pztz.ba i web stranici Kantonalne privredne komore Tuzla www.kpktz.ba.

Prijave na Javni poziv svi zainteresovani kandidati mogu dostaviti elektronskim putem na e-mail adresu komora@kpktz.ba, dostavljanjem uredno popunjenog prijavnog obrasca koji se može preuzeti na web stranici Pedagoškog zavoda Tuzlanskog kantona i Kantonalne privredne komore Tuzla, uz koji su obavezni dostaviti potrebnu dokumentaciju u skeniranoj formi. O dostavi dokumentacije u printanoj formi kandidati će biti naknadno obaviješteni.

Javni poziv ostaje otvoren do konca 2026. godine, a predmetna obuka bit će realizovana sukcesivno po grupama, nakon prikupljanja dovoljnog broja prijava za formiranje grupe, o čemu će prijavljeni kandidati biti blagovremeno obaviješteni.

Pedagoški zavod Tuzlanskog kantona